

续资治通鉴长编

集賢通纂長編

聖武記卷七

邵陽魏源撰

西南夷改流記上

有觀於西南夷者曰曷謂苗曷謂蠻魏源曰無君長不相統屬之謂苗各長其部割據一方之謂蠻若粵之種之黎黔楚之徭四川之焚之生番雲南之裸之野人皆無君長不相統屬其苗乎若漢書南夷君長以十數夜郎最大其西靡莫之屬以十數滇最大自滇以壯君長以十數邛都最大在宋為羈靡州在元為宣慰宣撫招討安撫長官等土司其受地遠自周漢近自唐宋而元明賞功授地之土府土州縣亦錯出其間其蠻乎蠻強則群苗亦供其指喉明代播州蘭州水西麓川皆動大軍數十萬殫天下力而後制平之故雲貴川廣恒視土司為治亂國初因明制屬平西定南諸藩鎮撫之康熙三年吳三桂督雲貴兵兩路討水西宣慰安坤之叛平其地設黔西平遠大定威寧等四府三桂統滇十鎮兵由畢節上星關入而分兵扼大方逼其衝遂令提督李本深統貴州四鎮兵由大方之六盤河會勦而屯經于三岔河首尾夾攻檄中誤書六歸為陸費于是本深兵及黔劉經遠先陸廣三路聲息隔絕三桂受困兩月糧盡援絕迺本深擒賊謀訊知其狀整兵入援圖乃解三藩之亂重陷土司兵為助及叛藩戡定餘威震於殊俗至雍正初而有大土歸流之議初明洪武中未下滇先平黔招服諸蠻故烏蒙烏撒東川芒部四軍民府舊屬雲南者皆改隸四川然諸土司皆去川遠去滇黔近焉蒙東川近滇烏撒鎮雄播州近黔嘉靖中雖改芒部為鎮雄府旋因隴氏之亂仍草流歸土雖命東川兼聽雲南節制仍不屬

滇而屬川惟萬厯中改播州為遵義平越二府分隸黔蜀其餘各土司則皆去成都二千餘里去滇黔省會僅數百里滇黔有可制之勢而無其權四川有可制之權而無其勢土蠻不耕作專劫殺為生邊民世其荼毒疆吏屢請改隸而樞臣動諉勘報彌年無成畫雍正初

世宗憲皇帝勤求

民瘼鯨寡有辭於苗四年春以鄂爾泰巡撫雲南兼總督事奏言雲貴大患無如苗蠻欲安民必先制夷欲制夷必改流而苗疆多與隣省犬牙錯又必歸并事權始可一勞永逸即如東川烏蒙鎮雄皆四川土府東川與滇一嶺之隔至滇省城四百餘里而距四川成都千有八百里去冬烏蒙土府攻掠東川滇兵擊退而川省令箭方至烏蒙至滇省城亦僅六百餘里自康熙五十三年土官祿鼎乾不法

欽差督撫會審畢節以流官交質始出益無忌憚錢糧不過一百餘兩而取於下者百

倍一年四十派三年一大派小派計錢大派計兩土司一取子婦則土民三載不敢昏土民有罪被殺其親族尚出墊刀數十金終身無見天日之期東川雖已改流三十載仍為土目盤踞文武長官省城膏腴四百里無人敢望若東川烏蒙鎮雄改隸雲南俾臣得相機改流可設三府一鎮永靖遵氛此事連四川者也廣西土府州縣峒寨等司五十餘員分隸南寧太平思恩慶遠四府多秋青征儂智高王守仁征田州時所留設其邊患除泗城土府外餘皆土目橫於土司且黔粵向以牂牁江為界而粵之西隆州與黔之普安州逾江互相斗入苗寨濶文武動輒推諉應以江北歸黔江南歸粵增州設營形格勢禁此事連廣西者也滇邊西南界以瀾滄江江外為車里緬甸老撾諸土司

其江內之浪沅威遠元江新平普濟茶山諸夷巢穴遂出沒營寨京年間無事近患腹心有事遠
通外國自元迨明代為邊害論者謂江外宜土不宜流江內宜流不宜土此雲南宜治之邊夷也貴
州土司向無鉗束羣苗之責苗患甚于土司而苗疆四周幾三千餘里千有三百餘寨古州距其中
羣峯環其外左有清江可北達楚右有都江可南通粵皆為頑苗蟠據梗隔三省遂成化外如欲開
江以通黔粵非勒兵深入徧加剿撫不可此貴州宜治之邊夷也臣思前明流土之分原因烟瘴新
疆未習風土故因地制宜使之鄉導彈壓今歷數百載相沿以敵治敵遂至以盜治盜苗保無追賊
抵命之憂土司無草職削地之罰直至事大上聞行賄詳結土司亦不深求以為鎮靜邊民無所控
訴若不剷蔓塞源縱兵刑財賦事事整飭皆治標而非治本其改流之法計禽為上兵剿次之令其
自首為上勒獻次之惟制夷必先練兵練兵必先選將誠能賞罰嚴明將士用命先治內後攘外必
能所向奏效寔雲貴邊防百世之利

世宗知鄂爾泰才必能辦冠即詔以東川烏蒙鎮雄三
土府改隸雲南六年復鑄三省總督印令鄂爾泰兼制廣西於是自四年至九年蠻患改流苗亦歸
化其治川邊諸土司也用兵最先初以烏蒙鎮雄兩土府相狼狽而東川六營土目附和之四年夏
先草東川土目即進圖烏蒙時烏蒙土府祿萬鍾鎮雄土府隴慶侯皆年少兵權握於其叔祿鼎坤
隴聯星鄂爾泰令總兵劉起元屯東川招降祿鼎坤惟祿萬鍾制於漢奸約鎮雄兵三千攻鼎坤於
魯甸鄂爾泰遣游擊哈元生敗之又檄其相仇之阿底土兵共搆烏蒙連破關隘賊遂走鎮雄鄂爾

泰復招降隴聯星而祿鼎坤亦以兵三千攻鎮雄之脅兩酋皆遁四川于是兩土府旬日平以烏蒙設府鎮雄設州又設鎮于烏蒙控制三屬時四年十二月初爾泰聞兵貴州奇游擊哈元生才攜赴東川委以烏蒙鎮雄之事元生故材武胆畧絕人感爾泰知遇奮言矢石屢立功至大將平西南夷多其力其東川法晏土目祿天祐烏蒙米貼土目祿永孝尚各據巢患邊六年春遣兵破禽法晏又遣副將郭壽域以兵三百捕米貼賊逃渡小金沙江糾四川沙馬司及建昌涼山各夷探數千潛回襲陷官兵爾泰遣總兵張耀祖參將哈元生三路搜討

詔四川建昌永寧官兵聽爾泰節制

于是自小金沙江外沙馬雷波吞都黃郎詣土司地直抵建昌素千餘里皆置營汛形聯勢控并禽雷泉土司楊明義而哈元生回軍復敗阿盧土司之眾數千屯田東川歲收二萬餘石課礦歲萬金資兵餉事甫定而八年秋復有烏雄鎮之變初祿鼎坤之降也覲襲土職故調遣無不聽命先送妻

子質省城而自率土兵從征鄂爾泰奏賞守備以擒賊檄攬壩功擢河南參將入

京引見快快失

望其子祿萬福乞回魯甸治產見總兵劉起元軍律不肅陰會其舊部謀變時烏蒙商民萬計有險可扼且賊止標弩無大礮而劉起元惟餉餒和賊遂陷鎮城盡戕兵民徧煽東川鎮雄及四川涼山蠻數萬叛鄂爾泰奏言臣用人債事請別簡大臣總督三省暫假臣提督將兵計賊雪憤

上慰留之爾泰調官兵萬餘土兵半之三路進攻先令總兵魏翥國率兵二千七日馳抵東川得不

陷而魏翥國旋為祿鼎明刺傷

時鼎坤妻子及弟留滇省城鼎明力未赴軍招撫及至東川見賊勢已盛亦即遣其奴陰煽內外為官兵所獲鼎明遂持刀突刺傷魏翥

國被禽乃盡下乃以官祿代魏翦國烏蒙李總兵哈元生副將徐成貴而鎮雄則委參將韓勲以兵四百扼奎鄉敗賊四千連破四寨次三日復以兵五千五百敗賊八千斬首二千餘盡焚其壘其烏蒙一路哈元生以千餘兵先至得勝坡遇賊二萬其黑寡暮末二渠皆萬人敵黑寡持長槍直犯元生元生左格槍右拔矢應手殪又射殪暮末即竿搥二首進賊奪氣再戰再捷進至倚那岡賊數萬連營千餘里我兵三千土兵夜設伏賊營左右而嚴陣以待黎明賊數路來犯不動將偏陣砲起大呼奮擊山後伏兵左右夾攻賊大潰盡破其八十餘營獲甲械輜重山積即日抵烏蒙軍聲大振賊望見元生旗即反走時元生兵不滿六千即分兵一由魯甸通東川一由龍洞山援鎮雄復四出搜剿而提督張耀祖總兵官祿擁兵萬有二千屯東川不進時賊據魯甸巢穴而扼三關為門戶三關者大關伐烏關沙豆關也爾泰恐元生軍孤急檄東川兵四千渡江赴元生軍而韓勲亦以鎮雄兵來會連奪三關之險鄂爾泰先檄川兵扼涼山及金沙江走路時祿萬福兄弟族黨盡匿東川巧家營張耀祖遣兵三千惟責令縛獻不應爾泰檄徐有貞一戰悉擒之祿鼎坤亦自河南逮至訊實伏誅乃增烏雄鎮額兵四千以徐有貞鎮之蔡成貴代張耀祖而逮官祿治罪其治滇邊諸夷也先草土司後剿猺夷其土司改流者若霑益土州安于蕃鎮沅土府刁濬及赭樂長官土司威遠州廣南府各土目先後効黜而以同知劉洪度權知鎮沅府惟刁氏之族舍土目不肯獻所占民田煽糾威遠黑猺于五年正月夜圍知府劉洪度縛于柱而戕之旋為官兵所殄其逆誅者于次年春夏多

暴病見洪度奮擊而死

詔祠之于是盡徙己草土司土目他省安置并搜剿黨逆之威達新平

諸裸冒瘴突入擒斬以千計而我將士亦患瘴死二百餘又進剿瀾滄江內孟餘茶山土夷即明王

驥兵十二萬大舉再征諸蠻謂自古漢兵所未至者也兵至道緬兵退還巢自明以來無善策郭

爾奉于六年五月先檄車里土兵截諸江外官兵各持斧鉞開路焚棚湮溝連破險隘直抵孟養據

蠻坡通餉道其六茶山巢穴四十餘寨窮日力不能徧搜一箐及搜至賊又他遁乃用降夷鄉導以

賊攻賊于是深入數千里無險不搜惟江外歸車里土司江內地全改流升普洱為府移元江副將

駐之于思茅橄欖壩各設官戍兵以扼蒙緬老樞門戶于是廣南府土同知富州土知州各額增歲

糧二三千石并捐建府州城垣孟連土司獻銀廠永昌怒江野夷輸皮幣維西而老樞即古越景邁

二國即八百皆來貢象緬甸震焉其沿邊諸夷也首尾用兵凡五六載終于古州而始于廣順州

之寨寨據各苗之腹橫一方前總督高其倬誘擒阿近議設營汛以控前後左右各寨苗力挽抗

四年夏官兵焚其七寨未獲首逆副將劉業浚即退營於宗角且言三不可剿鄂爾泰駭以三不可

不剿令總兵石禮哈搜討盡殲首從勒繳弓弩四千三百餘毒矢三萬餘皮盔皮甲刀標各數百建

參將營分扼險要易服殘髮立保甲稽田戶于是乘威招服黔邊東西南三面廣順定番鎮寧生苗

六百八十寨鎮寧永寧永豐安順生苗千三百九十八寨地方千餘里直抵粵界鎮遠清水江者沅

水上游也下通湖廣上達黔粵而生苗據其上游曰九股河曰大小丹江沿岸數百里皆其巢窟殺

古州八萬土沃夷醇隔於諸苗不能嚮化三省中梗古州者有粟有外粟古州距黎平府百八十里
即元置古州八萬洞軍民長官司所也地周八十餘里戶四五千口二萬餘都江落江界其左右合
為古州江田北東西南北各二三百里為外古州約周千二三百里戶數千口十餘萬可敵兩三州
縣環黔與萬山間奧而曠沃而衍榛徑而醇樸別有天地為全省所不及而諸苗營踞其中倚山面
川俯視全境相傳為孔明駐軍之所尤據形勢張廣泗守黎平輕騎深入周勣倡議置鎮諸苗營扼
吭控制而其外戶為都勻入寨內戶為丹江清江門戶不關則堂奧未可圖也乃于六年夏先創入
寨以通運道分兵進攻大小丹江出奇設伏盡焚負固之難講五寨苗竄伏山菁無所得食相繼赴
軍乞降飲血刻木埋石為誓明年乘勝沿九股河下抵清水江時九股苗為漢奸曾文登所煽言改
流升糾煽將歲信且江深崖險兵不能入及官軍至以農忙佯乞撫廣泗亦倖許之而潛舟宵濟扼
其後竄天構其巢又敗其夜紮營之賊填壕拔橛冒險深入苗四山號泣縛曾文登以獻于是清水
江丹江皆奏設重營以控江路令兵役雇苗船百餘赴湖南市鹽布糧貨往返倡導民夷大忤估客
雲集古州自昔與樸自國朝吳三桂死後偽將馬寶兵由楚竄滇取道古州諸苗遮護其大砲重
甲火藥由是械門日徬徨而上下江為尤甚上江為來牛定旦下江為落洞當廣泗初至苗皆謂官
兵不能久依違從撫及聞諸苗營建城堡遂群起拒命八年秋苗潛謀故營官兵夜半集苗船數十
束為浮橋攻其不備勒繳槍刀甲弩萬有二千又進攻上江之來牛定旦苗夜聞號寨人馬聲視之

寂然如是者三及五鼓甫寢而兵至擒斬四千獲砲械無算其下江洛澤之深遠大菁危峰障日皆伐山通道窮搜窟宅神焦鬼爛百里內外咸震號員穹絡赴乃徧勘上下江洛險隘置斥埃通餉運其部江清水江之間有丹江橫貫惟隔陸路五十餘里間通則二江為一乃突擣梗頑奪地開險于是楚粵商賈直抵鎮城外古州大定初

上以廣泗招撫古州不煩兵力由知府適年擢至巡撫及紛紛用兵慮生事七年遣侍讀泰山牧可登至軍容之并頒犒師銀十萬兩鄂爾泰約廣西巡撫金珙赴貴陽會籌邊事乃議黎平府設古州鎮而都勻府之八寨丹江鎮遠府之清水江設協營增兵數千為古州外衛後復改清江協為鎮與古州分轄其治邇夷也先改土司次治土目初泗城土府岑映宸強當會勘時聚兵四千分營江北以震民夷及聞馬鎮改流之信始星夜撤兵五年夏鄂爾泰按部安龍鎮收其勅印勒回浙江割江北地隸黔設永豐州此外梧柳思慶諸土目積案如山邊民半備糧請兵六年八月首討思慶州之八達寨扼其餉道屯兵二三里外量大砲所能及斬彝進偏賊蹙急斬土目顏光色无弔以獻尚聞塞不出遂為官兵所燬前此廣西警常顯虎以兵三千剿撫兩月屢敗無功者也八年復徵討思明土府所屬之郊橫寨三路進攻一鼓而克亦前此廣西總兵齊元輔按兵數千招撫半載無功者也于是遠近土目爭繳軍器二萬餘巡邊所至迎扈千里三省邊防皆定其湖廣苗接黔者于五年張廣泗會湖南副將劉秉名有謀冲花苗之剿七年銅仁和府姚謙率苗目田金保有徧招楚界諸苗之役惟四川重慶府屬之酉陽土司冉元金與湖

廣容美土司田昊如均以不法為邊民所怨願請改流且酉陽距重慶十八站距貴州銅仁不及三百里其所屬土目至銅仁僅百餘里舊隸黔改隸蜀與容美特遠自志鄂爾泰奏請二土司暫改隸黔乘威招諭可不煩兵而服

詔湖廣四川督撫圖之于湖南按察使王秉總兵劉策名赴苗疆宣諭永順保靖桑植容美四大土司亦先後奏改郡縣惟容美稍用兵而永順彭氏則自請獻土優獎回籍四川天全二宣慰已于五年為岳鍾琪劾革至是而酉陽繼之西南民夷稍息有馬又于雲貴交界之平越及安順別開二路凡十六驛省舊驛者五潯柳州至桂林之河一水且達望開沱菜焚烈山林久荒之土一畝收數倍古州丹江木長八尺德五六歧豆大如栗世或以鄂爾泰督雲貴時屢奏慶雲為疑臣源曰漢元符中初開焚道彩雲見南中遣使迹之雲南以此得名見雲南通志及續志又滇黔交界某渡或瘴乾隆中福康安統兵演砲而過至今瘴減大半見滇志自有天地以來即有西南夷曷嘗有四面雲集之王師曷嘗有萬雷轟烈之砲火陽被陰伏則為瘴腐陰隨陽解則山澤之氣不得不上升升則不得不為縹緲五色之祥雲其占曰團團升雲半有半無萬物昭蘇臣謹以鴻範五行對彼鄂爾泰者不陳明其所以然而徒予世人以少見多怪也

雍正西南夷改流記下

苗疆之初勘定也

世宗嘉鄂爾泰之勞錫封襄勤伯世襲罔替九年冬入為武英殿大學士

以高其倬代之十年

命鄂爾泰經畧西邊出巡阿爾泰巴里坤旋

命張廣泗代岳鍾琪為

盜遠副將軍防西路以元展成巡撫貴州十二年哈元生進新開苗疆圖志以尹繼善督雲貴而復有黔苗之變初苗疆開地二三千幾當貴州全省之半增設營汛凡腹內郡縣防兵大半移戍新疆又鄂爾泰用兵招撫止及古州清江未及台拱之九股苗有司輒稱台拱願內屬巡撫元展成易視苗疆遽于十年設營駐兵時秋稼未獲苗佯聽版築而日夜刈穫甫畢即傳集上下九股數百寨叛圍大營并扼排略大關之險以阻餉道

排畧距台拱十五里乃台拱咽喉也

營中樵汲皆斷掘草根死守彌月援至始解提督哈元生入覲回黔十一年春進軍台拱攻賊于番招之蓮花壘壘屬萬山顛四面削青楓

支二載官兵六路破之設戍其上年三年春苗疆吏以徵糧不善遠近各寨叢起徧傳木刻妖言四煽省城大吏尚不之信也總兵韓勲破賊古州之王家嶺賊復聚集清江台拱間號召日眾番招屯復圍于賊巡撫元展成輕視苗事與哈元生不合倉卒調兵五千盡付副將宋朝相領之赴援半途困于賊賊探知內地防兵半戍苗疆各城守備空虛于是乘間大入陷重安江驛黃平州陷岩門司陷清平縣餘慶縣焚掠及鎮遠恩州而鎮遠府治無城人心洶懼台拱清江各營汛亦多為賊誘陷逆氛四起本省兵徵調殆盡奔救不遑驛路四隔省城戒嚴四月哈元生乃以親兵三百自出督師扼清平之楊老驛賊聞提督親至意必有重兵故不敢犯至平越都勻以上六月

詔發滇蜀楚

粵六省兵會剿特授哈元生揚威將軍湖廣提督董芳副之七月

命刑部尚書張照為撫定苗

疆大臣副都御史德希壽副之時尹繼善已遣雲南兵二十星夜赴援湖粵兵亦繼至生苗見各路

援兵兩集各據掠回巢寨守元生至軍凱里檄各鎮兵復諸城又令以重安江賊以開滇師之路生由既回巢穴則料不攻圍新羅各營又阻截運道于是台拱清江丹江八寨諸營同時告急時廣西兵八千已至古州廣東兵餉亦書夜汴流而上湖廣兵先後集鎮遠界元生遣古州鎮韓勳攻賊首逆各寨又分兵三路一由黨貢以通台拱一由八弓援柳羅以通清江一走都勻援八寨而八寨協副將馮茂復誘殺降苗六百餘及頭目三十餘冒功于是苗逃歸播告徒黨詛盟堅多手刃妻女而後出抗官兵蔓延不可招撫五月陷清溪縣城而清江之柳羅都勻之丹江自春夏被圍半載糧盡援絕至是九月圍始解初張照奉

命赴苗疆具令察其利害照至沅州鎮遠則密奏

改流非策致書諸將首倡棄地之議且袒重方專主招撫與元生齟齬楚興官兵皆隸芳慶下旋議分地分兵施秉以上用滇黔兵隸元生施秉以下用楚興兵隸重方于是已進之兵紛紜改調互換而哈元生董芳遂欲將村寨道路盡畫上下界文移辨論致大兵雲集數月曠久無功賊乘間復出焚掠清平黃平施秉間紛紛告警官軍顧此失彼疲于奔命是冬湖廣總督張廣泗奏善後失宜皆臣之罪願草職效力軍前不許鄂爾泰疏辭伯爵并請解任調理許之當是時中外畏事者爭咎苗疆之不當關目前苗疆之不可守前功幾盡失全局幾大變十四年八月

世宗崩

高

宗即位召張照德希壽還十月授張廣泗七省經略哈元生以下咸受節制旋逮張照重方哈元生及元展成治罪廣泗奏言張照等所以無功者由分戰兵守兵為二而合生苗熟苗為一也兵本少

而復分之使軍賊本眾而復敗之使合且各路首逆自古州敗退咸聚於上下九股清江丹江高坡諸處皆以一大寨領數十百寨雄長號召聲勢犄角我兵攻一方則各方援應彼眾我寡故賊日張兵日挫為今日計若不直搗巢穴殲盡魁首心腹斷不能湊其黨羽惟有暫撫熟苗責令繳凶獻械以分生苗之勢而大兵三路同搗生苗逆眾使彼此不能相救則我力專而彼力分以整擊散一舉可滅而後再懲從逆各熟苗以期一勞永逸廣西乃調滇黔兵集鎮遠以通雲貴往來大路簡選將士面授方略以精兵四千餘攻上九股四千餘攻下九股而自統五千餘攻清江下流各寨是冬刻期並舉號令嚴明所向克捷元年春復增兵八路排剿抗拒逆寨罔不焚蕩剷削其遺孽盡甌牛皮大菁菁圍苗寨之中盤亘數百里北丹江南古州西都勻八寨東清江台拱危巖切雲老樵蔽天霧雨冥冥泥潦蛇虺所國雖近地苗蠻亦無能悉其幽遠窮其荒阻者故首逆諸苗咸歛伏其中特官兵所為不能至俟軍退復圖出沒廣西檄諸軍分扼菁口以坐困之又旁布奇兵菁外以截通遠如陸網獸漁竭澤重重合圍以漸進逼自四月至五月將士紀瘴癘冒榛莽靡與不搜靡險不剔并許其黨自相斬捕除罪由是魁魁罔漏倖馘萬計其飢餓顛隕死厓谷間者不可計數蓋窮開闢以來人跡不至之區天日不臨之地而大蒐罕入山澤不能匿汚從來鬼方撻伐未有滌盪廓清若斯之烈者也廣西原奏牛皮菁之捷斬獲萬餘而袁枚文言餓死四十餘萬又菁亘數百里而僅言三里又逆止土苗而言三省苗保一空其無稽損如此六月復乘兵威搜剿附逆熟苗分首惡次惡脅從三等涉秋徂暑先後掃蕩共燬除千有二百二十四寨赦免三百八十

有八寨陣斬萬有七千六百有奇俘二萬五千有奇獲銃砲四萬六千五百有奇刀矛弓弩標甲十有萬八千有奇宥其半俘收其叛產設九衛屯田養兵戍之

詔盡豁新疆錢糧永不徵收以

杜官胥之擾其苗訟仍從苗俗處分不拘律例以廣泗總督貴州兼管巡撫事世襲輕車都尉自是南夷遂不反乾隆五年夏湖南靖州武岡縣城步橫嶺苗與廣西徭同叛總督班第使鎮守總兵劉策名以兵五千進剿以五千應援

詔廣泗復以欽差大臣節制軍務先後斬馘五千餘俘五千

餘于十二月班師鄂爾泰卒于乾隆十年以開闢西南夷功配享

太廟

臣源曰五帝不沿禮三王不襲樂今日腹地土司之不可置亦如封建之不可行鄂爾泰受

世宗曠世之知功在西南至今百年享其利其記于大猷也宜哉始事難者終必易于正養長寨見之始事易者終必難于烏蒙古州見之其中有人事亦有天數焉初雍正五年四川副將張瑛言歸流之民不富復轄于土目席其椎髻夏禮之舊正器械門之常宜令椎髻易服盡獻兵器分設里長甲首而還土目于南地

命鄂爾泰議之鄂爾泰言冠髮必其願遵者強之改雉將悍苗反與齊

民無別器械亦惟生苗頗難若盡勒出之將良苗反為惡苗所制其土目即可改為里長甲長若必盡從恐兩不相習不若以敵治敵斯言也果何如哉林氏刁氏土目不遷則苗反長寨而外兵未盡繳則復反生苗改流不改椎髻則復反不數載而言盡驗果何如哉夫修其教不易其俗齊其政不易其宜此因土之事非改土歸流之事人即不革之苗亦必自大變動以大更革之小變則小革大

變則大革小革則小治大革則大治後笑先咤安知非福鄂爾泰說孤于前卒張孤于後一時之創夷百世之恬熙不然偷修袂褻者如步者且安拱而議其後也

附錄

凡土司之未改流者四川宣撫使三
什札巴 雲南宣撫使二十有一
霍耳 雲南宣撫使二十有一
六 雲南宣撫使二十有一
高 雲南宣撫使二十有一
夷 雲南宣撫使二十有一
南 雲南宣撫使二十有一
甸 雲南宣撫使二十有一
土州 雲南宣撫使二十有一
龍 雲南宣撫使二十有一
慕 雲南宣撫使二十有一
亮 雲南宣撫使二十有一
賽 雲南宣撫使二十有一
賽 雲南宣撫使二十有一
平 雲南宣撫使二十有一
名 雲南宣撫使二十有一
日 雲南宣撫使二十有一
永 雲南宣撫使二十有一
撫等使長官等司之承襲部兵部土府土州之承襲吏部凡土司貢賦或比年一貢或三年一貢

貢 各國其土產穀米牛馬皮布皆折以銀而會計於戶部

乾隆初定金川土司記

金川者小金沙江之上游也一促浸水出松潘徼外西藏地經黨壩而入土司境頗深澗是為大金川其一嶺納水源較近是為小金川皆以臨河山有金礦得名二水均自東北而西南至明正土司地合流為靈遠府之若水至會理州為金沙江亦名湓水隋始置金川縣即漢冉駹外徼唐維州地也明隸雜谷安撫司萬山叢嶺中遠洶溪皮船竿橋曲折一線深寒多雨雪惟產青稞蕎麥番居皆石碕與綽斯甲布等九土司壤相錯康熙五年其土司嘉勒巴內附給漢化碑師印俾領其眾其庶孫莎羅奔者以土舍將兵從將軍岳鍾琪征西藏羊峒番有功雍正元年奏授金川安撫司莎羅奔自號大金川而以葛土司澤旺為小金川莎羅奔尋以女阿扣妻澤旺澤旺憐為妻所制乾隆十一年莎羅奔劫澤旺歸奪其印四川總督檄諭之始還澤旺于故地明年又攻韋布什札及明正兩土司巡撫紀山遣副將率兵彈治不奉約反傷我官兵紀山奏請進剿

上以雲貴總督張廣泗

征苗有功調督四川

進屯澤旺所居美諾官寨而以其弟良爾吉從征時莎羅奔居勒烏圍

一作其勒至

兄子郎卡居鳴爾屋

一作利月

地在大河之東而河西亦有賊地數百里張廣泗奏調兵三萬分

兩路一由川西入攻河東一由川南入攻河西而河東又分四路以兩路攻勒烏圍以兩路攻鳴爾屋河西亦分三路攻庚特額諸山期以是年告厥阻險不前復請增兵萬十三年春請將多失事副